

Neuzeuger Messerer - Rud

Rudenkirtag Sierning Faschingdienstag 13.2.2018



<p>Grüaß Gott sågn d'Messerer beizeitn nâch an Wâhljoahr voller Leidn a bellenda Präsident d'Griss håt d'Neos fâst vabrennt dö Grean san ân an Pilz varreckt da Kurze håt an Kern vaschlickt probiert bluatjung d'Regierungskunst mittn drinn im blauen Dunst</p>	<p>Mia Rudn habn jâ ah jetz' grâd an Regierungswechsl ghât da Brâuer Franz gibt Stock und Kleider am Hundsberger Bert weiter ma kâ' sågn, da Nâchfolger is a richtig Wûrdiger weil ös Tanzn und ös Singa habn Âlt und Neu nuh koana kinna</p>
<p>Kindergartn, Rudnsåal san gelungen âllemâl derf ma håbn a echte Freud netta s'oane is net gscheit dö Zuafahrt is vül z'kloa und Parkplätz' gibt's koa drum muaß ma z'Sierng wia eh und je ön Kindergartn geh</p>	<p>In Pichlern in da Feuerwâcht hâbn d'Feu'wehrleut an Zuabau gmâcht da Beton is z'weng wordn, guat is ban Bodn unt' aussiburr da Gärtner Bruno, Kommandant hât sih dafür sauba gschamt is â'gsprunga van Fei'rwehrthron zweng so an Batzl Beton</p>
<p>Da_Neukirchna Buagamosta håt a G'scher im Dorf koa Wirts – häusl mehr dafür gibt's in jedem Falle nur mehr Pizzalokale deswegn wird da Ort am End jetz' scho Pizzakirchn gnennt Deutsch redns doh nuh, Gott sei Dank wer woaß nuh, wia lang</p>	<p>ÖVP-Kalender in Sierng an etla davo' kannst kriagn wo koa Dezember is drei' und da Oktober zwoa mâl glei da Frau Kulturrât is gschickt a wahre Rarität geglückt hülft unsern Landeshauptmâ' sparn weil s'Weihnâchtsfest is gstrichn wordn</p>
<p>d'As –palter Re - gina wart' scho hart aufs Â' - singa Bezirksbâurin und Landtâgsfrau va da Neustift stammts genau an Wâlfahrtort, der nuh recht guat s'Beichtgeheimnis hüatn tuat so habn ma nix va ihr erfahrn wird scho kemma mit den Joahrn</p>	<p>Bezirksbauernkammer in Bâd Hâll a Holzhaus ökologisch voll regiern tuat dort in nexter Zeit ausnahmslos dö Weiblichkeit am Obmannthron sitzt dö Traudi Kammerleiter is d'Gabi fehlt nur da Lebkuchn mit Streusl âft waars dös reinste Hexnhäusl</p>
<p>A Volkstanznarr wia sihs gheart va Schwamming drent da Rodler Bert hätt zan Volkstanzfestl wolln doh sei' Hax is ziemli' gschwolln mit sein dickn Fuaß, oh mei kimmt er nia ön d'Tanzschuah ,nei in seina Not ziagt der Mâ' zan Tanzn d'Gummistüfln â'</p>	<p>Da Ackerl Sepp ba_da Karlich Show lusti sei' hoaßt s'Thema dâ da Sepp lâsst sih ganz hint' â'reihn am Schluss, moant er, soll s'Beste sein dö Zeit wird knâpp, so is dös Lebn da Sepp kimmt nimma recht zan Redn dâ war eahm kurz, so moanat ma wia wann er nuh vaheirat' waa'</p>

Neuzeuger Messerer - Rud

Rudenkirtag Sierning Faschingdienstag 13.2.2018

<p>d'Hauer Heli, d'Jungwirt Gabi und d'Plass Silvia habns trawi am Pfingstsunnta' koane då sågns ös Pfingst – betn å' doh ums Frühstück nåchher dort waar eah ållan narrisich load drum fahrt da heilige Geist hernieder in Pesndorf zwoa Wochan später</p>	<p>d'Kaffeemaschin' frisch repariert d'Söllradl Erni hoamzua führt stöllts in d'Garage, fahrt wieder fort drauf hát då Må' dös Klump entsorgt d'Erni kriegts nur mit Ho-Ruck van Altstoffzentrum wieder z'ruck und der Kaffee, der aussageht håt jertz dö Note A S Z</p>
<p>Da Dauner Sepp is Opa wordn håt glei a Büdl gmåcht van Kloan mit Whats App an d'Freund vaschickt dabei an fålschn Knopf å'klickt a hauffa andre Fotos glei sogoar geheime warn dabei jetz' woaß's a jeder ganz genau wia's ausschaut, draußt und drinn, sei Frau</p>	<p>Sparn hoaßts jetzt in nexter Zeit dös tuat uns Load, liabe Leut sunst werdn dö Reichn ållweil ärmer und dös Klima, dös wird wärmer bitt schön, sparts net mit Applaus dös tuat uns guat, hålt' jeder aus und sparts mitn Rudnwei' net z'lang weil dös waar unser Untergang</p>